

## Jisas - Bukiyip

### MAK

#### 1.1

##### **Jon Nenek Baptaisumesh Iri Nakripesh Um Jisas Krai Ta Nunaki**

1 Enyudok douk yopinyi baraeen um Jisas Krai, Iruhin ananinNuganin. Nyarik iri enyudok yopinyi baraeen nyakitak nyanak umdouk namudok.

#### 1.14-15

##### **Jisas Nohur Mour Nenek Shokugi Nahobig Galili**

14 Douk Jon nonoweshik napeik, aria Jisas nanam shokugi nahobigGalili aria nape nakripesh Iruhin ananin yopinyi baraeen.

15 Anan nakripesh nakri, "Ahudok nyumnah douk Iruhin nakriyohiri douk ahudok hatogur. Aria abudok nyutob um arpes shuwishum agundok Iruhin nupe Debeini um ipak um douk banaki hurukatin.Douk namudok aria ipak pukeshuk agabus yoweishi inahos aria putanampukon aparuh Iruhin aria pusuhw ananin baraeen pugipeshen!"

#### 1.21-27

##### **Jisas Nahiyahuk Enen Yoweinyi Sagab Douk Nyape Anan Arman Iri**

21 Aria amam hanam anabur wabur shohwarabur um Kaperneam iri.Aria ahudok nyumnah Sabat eshesh Juda mour uwok shape meyoh ahi,amam hanak hawish eshesh Juda shape sheyagwreh baraeen-atari urupataria Jisas nape nenek skulumesh um Iruhin ananin baraeen eshesharmam armago.

22 Aria eshesh shemnek ananin baraeen aria shakitak yowiyokukabom. Um maresh? Anan douk narao debeinyi big aria nenek skulumeshnakripesh dodogowin atin baraeen. Aria amam henek skulumesh umlo iri douk madae hunek skulumesh namudok uwe, uwok.

23-24 Aria douk Jisas nape nenek skulumesh aria anan yoweishisagabehos shapenyani iri nanak nawish atudok urupat aria nahwardebeg nakri, "Jisas, nyanaki wabur Nasaret iri. Nyak nyanamoryunekap mumam apak sagabehos? Nyak nyanamori nyop mugok aka?Apak madukemen abom nyak. Nyak douk Iruhin ananin abom nuganin."

25 Aria Jisas naho eshudok sagabehos nakri, "Ipak mokuregaria pukutukuk anudok arman aria putogur punak."

26 Aria douk Jisas nahesh aria eshesh shour anudok arman debeg.Aria anan krukruk nape aria eshesh shohwar debeg aria shakutukukanudok shatogur sharuwok.

27 Aria eshudok sabaishi arpes shape iri shatik namudok ariaeshesh shakitak yowiyokuk abom. Aria shape shenyagwreh shakri,"Enyudok douk apak memneken iri douk maren baraeen? Seiwok apakmadae mumneken iri enyudokmori baraeen! Anudok arman douk dodogowinariaria eshudok sagabehos shemnek ananin baraeen!"

#### 1.32-34

##### **Jisas Nagabe Sabaishi Arugeh Hapeyeshi**

32 Douk arigaha wabigep wah hagok aria eshesh armam armagosharauri arugeh hapeyeshi shani yoweishi sagabehos shapeyesh irishanaki agundok Jisas napeum.

33 Aria ihishmorim arpes shape abrudok wabur iri shanaki shantorumshape aduk hurukatin um dua.

34 Aria Jisas nagabe sabaishi arpes anahaehih arugeh henekeshabrudok wabur iri. Aria shopunek, nahiyahuk sabaishi sagabehosshatogur sharuwok. Aria sagabehos douk shadukeman Jisas. Ariaanan nakripesh um eshesh mare shukurip kupaishi arpes um anandouk Iruhin ananin nuganin um.

#### 2.1-12

##### **Jisas Nagabe Anan Roguhw Aiyas Shagokanari**

1 Douk ehudok nyumneh hanak hadiguk, aria Jisas wata shopuneknatanam nanam Kaperneam. Aria abudok nyutob eshesh armam armagoshopunek shemnek baraeen um anan nanak nape urupat um.

2 Douk namudok aria sabaishi arpesih shanak shape numun ananiturupat shuknit aria enesh shape aduk hurukatin um wit. Esheshshape aria madae onok outuk kwupeik meyo uwe, uwok. Eshesh shapeba shuknigun aria Jisas nape nakripesh yopinyi baraen.

3 Douk nape nakripesh baraen aria 4-poreim armam howemori ananroguhw aiyas shagokanari anas aras aria haran hanaki um Jisas.

4 Amam haran hanak aria sabaishi arpesih shape aria amam yahuwok um huran hunak agundok Jisas napeum uwe, uwok. Douk namudokaria amam hatu hakih modukwitam urupat aria hadar agundok Jisasnapeum. Aria anudok roguh w aiyas shagokanari nor aras aria honahurhereyan kwojarahos aria shokubur hakutunuk nabuh nakus Jisas napeum.

5 Aria douk Jisas natik amudok 4-poreim um henek bilip um ananta nugabeyan aria anan nakrip anudok roguh w aiyas shagokanarinakri, "O nuganin, eik ta ko igabeyen um nyakish yoweishi inahosaria eshudok ta iyateshuk."

6-7 Aria douk Jisas nakri namudok aria anam henek skulumeshum lo iri, douk hani eshesh hape agundok iri amamiruh aparuh aturuhheneyagwreh hakri, "Anudok arman neyagwreh namudok um maresh? Anan douk nape nabunim um Iruhin. Apak madukemesh um Iruhinatun ta wosik nukweshih-esh um arpesihish yoweishi inahos."

8 Aria Jisas nadukem amamip urkwip aria nakripam nakri, "Ipakurkwip mare pur namudok, uwok.

9 Um maresh? Enyudok mour douk shopunek atin um eik ikrip anudokroguhw aiyas shagokanari ikri, 'Eik ta ko ikweshihuk nyakish yoweishiinahos aria iyateshuk' aka, ikripan ikri, 'Kitak hur nyakis arasnyusuwas aria nyunak' aria anan ta nikitak nunak?

10 Douk namudok aria Eik Anudok Arman douk yatogur adurinyiarpen iri ta iyabigep um pudukemesh um eik douk dodogoiwe iriaria Iruhin neke big ko ikweshihuk um eshudok atapish arpesih esheshishyoweishi inahos aria iyateshuk." Aria Jisas nakrip anudok roguhwayias shagokanari nakri,

11 "Eik yakripen, nyak kitak hur nyakis aras nyusuwas arianyunam urupat!"

12 Aria ahudok atuh eshudok ihishmorim arpesih douk shape agundokiri shatrunum nakitak nohur ananis aras nasuwos aria nanak. Ariaeshesh shatrun namudok aria ihishmorim shakitak yowiyokuk ariashape shatuk Iruhin ananin nyeigur nyato iruhw. Aria shakri, "Seiwokapak madae mutik enen enyudokmori nyutogur uwe, uwok!"

4.35-41

#### **Jisas Naho Debeinyi Uhwin Aria Nyagok Nyabuh**

35 Douk wabigun ahudok atuh nyumnah, Jisas nakrip ananim disaipelnakri, "Yaipo, apak munak gani wobrehahig um waiyag."

36 Aria amam hakutukuk eshudok sabaishi armam armago shapeik,aria amam hatu atudok bot douk Jisas iganigadae narik nakih netemotiararia haran nanamam hanak. Aria anog botog shopunek gwagipesh amamitbot gwanak.

37 Aria douk amam hanak aria debeinyi uhwin abom nyahur arianyenek debeibi morub bakitak. Aria abar bakih baprok bot ariatat hurukatin um shuknitum abar.

38 Aria abudok nyutob Jisas nanak nanahem korukwu aria neshuhgani tagigukum bot. Aria douk ananim disaipel hatik namudok ariahanak henubarun hakri, "Debeini Tisa, apak hurukatin um mugokwo. Nyak madae urukum murum agundok douk ta apak mugok um uwe?"

39 Douk amam hakripan namudok aria nakitak naho enyudok uhwiniri morub nakri, "Ipak punak putuhuk abom!"

Aria eshesh shanak shatuhuk abom. Uhwin madae nyahur uwe ariamorub shopunek madae bukitak uwe.

40 Aria Jisas natanam nakripam nakri, "Ipak panogugur um maresh? Ipak madae punek bilip uwe um maresh?"

41 Aria amam hanogugur abom aria amam kanak hanakripam hakri, "Anudok manan arman? Uhwin iri abar shopunek douk shemnekan."

5.22-24

22 Aria Jairus, douk debeini um eshesh Juda shape sheneyagwrehbaraen-atari urupat iri shopunek nanaki. Anan nanaki natik Jisasaria nanak nabuh nakus atap hurukatinyum Jisas ananiruh yeriweruh.

23 Aria neyagwreh debeg nakri, "Nya, eikik shokukwi nugawikarugeh hapeyok aria okwok

hurukatinyum kugok. Douk namudok ariyakri nyak nyunaku nyuwemok wis meyoh um okwok wata yopuk ariakwukitak kwupe."

24 Douk Jairus nakripan namudok aria Jisas nanaman hanak. Doukamam hanak aria sabaishi arpes shapunek shanamam shanak. Esheshshanak wobuwobur aria Jisas naraguk orokohun. Aria shopunek agundokyah eshesh shanak um, eshesh shantoruh um shanak.

5.35-42

35 Aria douk Jisas wata nape neyagwreh atin, aria amam hapeiJairus douk debeini um eshesh Juda shape sheneyagwreh baraen-atariurupat iri um ananit urupat aria harauri baraen hanaki hakripJairus hakri, "Nyakik nugawik adur kwagok. Namudok aria nyakmare nyukon amaen apakin debeini tisa um nunaku nyakit urupatum."

36 Aria Jisas madae numnek amamin baraen uwe, uwok. Aria anannakrip Jairus nakri, "Nyak mare nyunogugur. Nyak nyunek bilipatin."

37 Aria anan nakri uwok um ihishmorim arpes shapeik aria Jemsnani ananin wanin Jon iri Pita amam hanaman hanak.

38 Amam hanak hatogur Jairus ananit urupat aria Jisas nemnekum eshesh shape shore shanaruwor debeg.

39 Aria anan nanak nawish aria narigesh nakri, "Ipak papepeyagwreh pariguk um maresh? Okwudok madae kwugok uwe. Okwok doukkweshuhw meyoh!"

40 Douk anan nakripesh namudok aria eshesh shape shenekan enenyenenaria shape shagukoruhan.

Aria anan neshopok ihishmorim shakitak shatograkuk aria anannani ananim biom atun disaipel hani okwokwin yaken amakek atishshawish numun urupat okwok kwakus um.

41 Eshesh shawish aria Jisas nasuhw okwokwin rogur aria nakripokesheshin baraen nakri, "Talita kum!" Talita kum douk shakri, "Shokukwi armatok, kitak!"

42 Aria ahudok atuh okwok adur kwakitak kwape kwarahaen. Okwudoknugawik okwokwish kwarahos douk 12-poreish. Aria douk eshesh shatrunknamudok aria shakitak yowiyokuk abom!

7.18-23

18 Aria anan nakripam nakri, "Ipak shopunek douk madae pudukemeshuwe? Worigun nani ihishmorim eshudok shape aduk, aria arpes shashohshabuh esheshiruh aparuh iri ta mare shubuh shunekesh shubosusihuwe, uwok.

19 Um maresh? Worigun eshudok douk shashoh aria madae shunakshubuh shur esheship urkwip uwe. Eshesh douk shabuh shor aparuharia wata shanak sharkegeshuk." Jisas douk nakri namudok um nakriihishmorim mahish aria worigun douk yopishi atish iri.

20 Aria Jisas wata shopunek nakripam nakri, "Eneshenesh yoweishiinahos esheship urkwip porumesh aria eshesh mishish shakitakumeshshenekesh iri atish ta shunekesh shubosusih.

21-22 Um maresh? Eshudok douk gani numun esheship urkwip parikporum eshudok eneshenesh yoweishi inahos aria eshesh douk shenekesh. Eshesh shakwuaruh, urkwip porum yoweishi inahos, shabo arpes shagok, shenek wehrur aria dodogeshish madae shukesh atin uwearpesh. Aria shenek rohw um kupaishi, aria shopunek madae shusuhwmerikwum eshesh kanak uwe. Aria eshesh shabrig enyudok lo um shanaraumum aria shenek nyigiya um kupaishi esheshish eshudok eneshenesh. Aria shaho kupaishi shakri eshesh atish debeishi, aria shenekrohw um kupaishi shakri eshesh shenek yoweishi inahos. Aria esheshshakri shutuk esheshish atish nyeiguhw shuto iruhw aria shenekeneshenesh yoweishi inahos.

23 Ihishmorim eshudok eneshenesh yoweishi inahos douk esheshipurkwip porumesh aria shenekesh iri douk shenekesh shabosusih."

9.2-8

### **Jisas Ananihw Yegenyihw Hwatogur Anahaeh Aria Natrugun Abom**

2 Douk 6-poreih nyumneh hanak hadiguk, aria Jisas narao Pitanani Jems aria Jon atum hanaman hato hakih hape onohw rouhwi yoduhw. Amam hakih hape aria amam hatik um Jisas nenek senis natrugunnape anahaeh.

3 Aria anan nih rupeh shopunek hatrugun hatogur shigoriwhih abom. Arpesh shape agundok atap iri douk madae enesh shukwrup esheshihrupeh hutrugun abom hutogur shigoriwhih namudok uwe.

4 Aria agundok Pita nani Jems aria Jon hatik Ilaija aria Moseshatogur hani Jisas heyotu hape heyagwreh.

5 Aria Pita nakrip Jisas nakri, "Tisa, enyen douk wosik umapak mape agundok um. Aria apak muwem 3-poreiyu shomeguhwiyu. Nyak onok aria bio um Moses nini Ilaija."

6 Pita douk nakripan namudok Jisas um maresh, amam hanogugurabom aria Pita madae nudukemesh um maren baraen anan ta nukriyeniri uwe.

7 Aria douk Pita nape nakripan namudok aria onog orug gwanakiiruhw aria goma nyeshigorum aria amam hemnek anah mah hanaki agwudokorug. Aria enyudok arpen nyeyagwrehi iri nyakri, "Anudok doukeikin nuganin douk eik urkum manawashaman iri abom. Ipak pumnekananin baraen!"

8 Aria douk amam hemnek namudok aria ahudok atuh amam hatanamhatrugun aria madae hutik enesh arpesh shopunek shuni amam shiyotugukuwe. Amam hatik Jisas atun nani amam neyotuguk.

12.28-31

### **Iruhin Ananin Nyarik Iri Lo**

28 Aria anan nenek skulumesh um lo iri shopunek nanaki napenemnekam um hape hanatutukem um. Aria shopunek, anan nemnek Jisasnakripamen iri baraen douk yopunyi atin abom. Douk namudok ariaanan narig Jisas nakri, "Meinyi Iruhin ananin lo douk nyape nyarikabom nyeshagrakuk ihinyumorim lo?"

29 Aria Jisas nakripan nakri, "Nyarik iri lo douk enyudok, 'Ipak Israel ta pumnek! Apakin Debeini Iruhin abom douk anan atun Iruhin.

30 Douk namudok aria ipak urkwip ta punawasham abom ipakin Debeini Iruhin.

Aria ipakiruh aparuh, huni ipakish mishish shuni ipakip urkwip ta shunawasham abom ihinmorim um ipakin tinytin aria pukwu ipakin dodog um punek ananin mour.'

31 Aria nyagimori enyudok iri douk enyudok,

'Ipak ta urkwip punawasham kupaishi arpesh douk shape hurukatin um ipak iri

kabi ipak urkwip punawasham ipak kanak um.'

Aria enyen douk madae enen kupainyi lo nyishagrakuk enyudok biyen lo uwe, uwok."

14.10-11

### **Judas Nani Debeimi Juda Hape Habo Baraen Um Huweshik Jisas**

10 Aria abudok nyutob, anan um amudok Jisas ananim disaipelnyeigur-inam Judas Iskariot iri nanak gani amam debeimi pris hapeum. Aria nakripam um anan nakri wosik um niyabigam um agundok Jisasnanak napeum aria amam hunak husuwan huweshikan.

11 Aria amam hemnek Judas ananin baraen aria hanadudareh abomaria habo baraen um amam ta hutorun hukon anabor utabor. Aria Judas nakitak nanak aria nape nenek urkum um anah yah um niyabigom Jisas aria amam hunak husuwan huweshikan um.

14.44-46

44 Aria amam hakitak hanak yah aria Judas nakrip Jisas ananimhorim nakri, "Anudok douk kadak putik um eik inak isuwan inapuprikaniri, anudok douk Jisas. Aria ipak punak pusuwan puweshikan dodogaria puran punak."

45 Aria Judas nanak natogurum Jisas atin aria nakri, "Debeinitisa!" Aria nanak nanapuprikan.

46 Aria amam hanak hasuwan dodog aria howeshikan.

15.6-15

### **Pailat Nakripesh Um Shunak Shubo Jisas Shunek Nyiluman Nir Rowog Kruse**

6 Ihish kwarahos ahudok nyumnah shenek agundok debeigini Pasovaigunworigun obi nyutob, Pailat apa nakweshih anan nonoweshik iri nanakfri. Anan apa nukweshih anudok douk eshesh armam armago shukriyaniri.

7 Aria abudok nyutob, anan arman douk nanahwarum Barabas irinani anam armam hani gavman sharpak aria habo enesh arpes shagokaria hanaweshik hape.

8 Aria sabaishi arpes shanaki shantorum shape aria shape shakripPailat um nukweshih anan nape nonoweshik iri douk eshesh shukriyaniri nunak fri kabi douk ihish kwarahos anan apa nenekesh um.

9 Aria douk eshesh sharigan namudok aria Pailat narigesh nakri, "Ipak pakri ikweshih eshesh Juda esheshin king nunak fri o pakrimeini?"

10 Pailat douk nakri namudok um maresh, anan douk nadukemeshabom um amam pris amamim debeimi douk henek nyigiya um Jisas. Amam hatik sabaishi arpes shagipesh anan atun aria amam nyirubjuwehosirub aturub aria douk harawan hanak henekuman kwot um Pailat.

11 Aria amam debeimi pris hohur sabaishi arpes esheshiruhaparuh aria eshesh nyirub juwehos-irub abom um Jisas. Aria esheshsharig Pailat um nukweshih Barabas nunak fri.

12 Aria Pailat wata shopunek narigesh nakri, "Ipak pakri eikinekan mumam anudok arman douk ipak puhwaran eshesh Juda esheshinking iri?"

13 Aria eshesh wata shopunek shahwar debeg shakri, "Nyak nyeneknyiluman rowog kruse!"

14 Aria Pailat narigesh nakri, "Anan nenek maresh yoweishiinahos um apak mon nugokumesh?"

Aria eshesh madae shumnekan uwe. Eshesh shahwar debeg atinshakri, "Nek nyiluman rowog kruse."

15 Aria Pailat nakri nunekesh shunadudareh. Douk namudok ariaanan nemnek esheshin baraen aria nakweshih Barabas nanak fri. Aria nakrip amam soldia um hunak hubo Jisas huprukan onohw maduhwsegegoihw aria hunak hunek nyiluman nir rowog kruse.

15.33-39

### **Jisas Nagok**

33 Douk aun nakihi arigaha 12 kilok aria wab babuhi. Aria ihirub-morimeshesh Juda esheshirub warub betem arukwutugun um atin. Agagunarukwutugun nape namudok arigaha wabigep 3 kilok aria wah watahatao aria arisigun.

34 Aria wabigep 3 kilok, Jisas nahwar debeg um esheshin baraennakri, "Eloi, Eloi, lama sabaktani?" Baugenyum um enyudok baraendouk nyakri, "Eikin Iruhin, eikin Iruhin, nyak nyakutukuk eikum maresh?"

35 Aria enesh arpes sheyotu agundok iri shemnekan aria shakri, "Ipak pumnek, anan nahwar Ilaija."

36 Aria anan arman nasahur nanak nohur enen spans nosegurin anabar nubutibari abar. Aria nanyaur anah aruh aria natuken nyato um Jisas ananit nokwatum nubarah. Aria anudok arman nakripesh nakri, "Jurug aria apakmupe mutrugun. Ilaija ta nunaki nukweshihan nubuhi rowog kruseaka, uwok?"

37 Aria Jisas nahwar debeg aria anan nagok.

38 Aria ahudok rupah hataur numun Iruhin ananit debeiti urupat iri tukarahum biyeh. Tukarahi gani iruhw arigaha hanak habuh hatao.

39 Aria amam soldia amamin debeini douk neyotu hurukatin umrowog kruse Jisas neir um natik agundok Jisas nagok um aria nakri, "Adur atin anudok arman douk Iruhin ananin nunganin!"

15.42-46

### **Habre Jisas Hanak Haruman**

42-43 Aria ahudok nyumnah shabo Jisas ahi, eshesh shape shenekesheshigun worigun aria mahish um ruwahepih Sabat shishoh iri. Aria ahudok atuh nyumnah arigaha wabigep, aria

Josep douk nanakiwabur Arimatea iri nanaki. Anan douk anan um eshesh Juda esheshindebeini kaunsol douk nyeigur nyato-uman iri. Aria anan shopunekapa nape natrugun um abudok nyutob arpes shuwish um agundok Iruhinnupe Debeini um ananish arpes um. Aria Josep madae nunoguguruwe, uwok. Anan nanak um Pailat napeum aria narigan um anan nunaknubre Jisas nunak nuruman.

44 Aria douk Pailat nemnek namudok aria anan nakitak yowiyokukabom um agundok Jisas nagok arigas abom um. Aria anan nahwar amamsoldia amamin debeini nanaki aria narigan nakri, "Adur, Jisasnagok aka, watak?"

45 Aria anan nakrip Pailat um Jisas douk adur nagok. Douk namudokaria Pailat nakrip Josep um nubreyan nunak aria nuruman.

46 Aria Josep nanak nator anah yopuhi shigorihiwihi rupah nasuaharia nanak nabre iri Jisas rowog kruse nabuhi atap neshurehanaria nanak naruman. Anan nanak nawish nanabuk numun onohw wonugwehdouk sharokohw shawish onok burbuduk iri. Douk nawish nanabukukaria natogur natotigosi anam debeimi utom manaki neshopam ahwudokwonugwehw.

16.1-7

### **Jisas Wata Nakitak Nape**

1 Douk wabigep hurukatin um wab ahudok nyumnah Sabat, esheshJuda shape meyoh ahi hatuh, biwotuk armago wanak wator anar weldouk reisik wosik iri um wakri unak urayok Jisas ananihw yegenyihw.Oudok armago owowish nyeiguhw douk eshudok. Maria douk kwanakiMakdala iri kwani kupaikwi Maria douk kwabuki Jems iri, wani Salome.

2 Aria ruwahepih sagomatinyih nyumnah um wik, wata ruhur atin, owo wakitak wanakgani wonugwehw hwapeum. Douk owo wanak watogur wonugwehw hwapeum aria wah ko hatao.

3 Aria owo wata wape wanak yah aria wanayagwreh wakri, "Taomi nyutotigasuk utom douk magah wonugwehw iri?"

4 Aria owo wanak hurukatin aria wakri utrugunu aria watikuamudok takweimi utom douk magah wonugwehw iri douk madae anammutao uwe. Amam douk matatigos manak makusuk anagas.

5 Aria owo wanak wawish numun ahwudok wonugwehw aria watikanan weroroini arman, nenenek rouhi shigorihiwihi rupah iri nape.Anan napeum yopunyi rogur ehah numun wonugwehw aria owo wakitakyowiyokuk abom.

6 Aria anan nakripo nakri, "Ipak mare pukitak yowiyokuk uwe,uwok. Eik yadukemesh, ipak douk paurim Jisas douk nanaki waburNasaret iri. Anan douk shenek nyiluman neir rowog kruse iri. Ariaipak tik, okwudok outuk douk shanabuk um. Agundok madae anan nukusuwe, uwok. Anan douk nakitak nape.

7 Aria ipak punak pukrip ananim disaipel huni Pita pukri, 'Jisasiganigadae narik nanak um Galili. Aria ipak pugiman punak putogrumankabi douk nubokuhi anan nakripep-umaguk um.'"

16.15-16

15 Aria anan nakripam nakri, "Ipak punak ihirubmorim warubbape agundok atap iri aria pukripesh Iruhin ananin yopinyi baraenihishmorim arpes.

16 Ipak pukripesh aria eshudok douk shumnek enyudok baraenshunek bilipumen aria kupaishi shunek baptaisumesh iri, Iruhinta wata nunarawesh shutanamori shupe wosik abom. Aria eshudokdouk shumneken aria mare shunek bilipumen iri, Iruhin ta nunekumeshdebeiti kwot um eneshenesh yoweishi inahos eshesh shape shenekeshiri.

16.19-20

### **Iruhin Narao Jisas Nato Um Iruhw Heven**

19 Aria douk Debeini Jisas nakripesh baraen neyaten aria Iruhinnaran nato um iruhw heven. Anan nato aria nanak nape yopunyi roguhahum Iruhin.

20 Aria Jisas ananim disaipel hanak sabairubi warub aria hakripeshIruhin ananin yopinyi baraen sabaishi arpes. Aria abudok nyutobamam hape hakripesh yopinyi baraen um, Debeini nataurumam nenekamdodogowim aria henek sabainyi mour Iruhin atun nenekan iri. Ariaarpes shatik enyudok mour amam heneken iri aria shakri adur atin,amam douk Iruhin nataurumam. Aria amamin baraen douk adurin atinabom.